

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog /odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 38. sjednici održanoj 05.03.2025. godine, donijela je

### **Autentično tumačenje člana 76. stav (6) i stav (7) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24)**

#### *„Član 76.*

*(6) Naknade iz st. (1), (2) i (4) ovog člana se na osnovu iste invalidnosti ili bolesti ne isplaćuje svake godine, već jednom po jednoj dijagnozi ili utvrđenom stepenu invalidnosti, jer se radi o jednokratnoj, a ne višekratnoj ili stalnoj novčanoj naknadi za liječenje bolesti ili invalidnosti.*

*(7) Naknade iz st. (1), (2) i (4) ovog člana koje se utvrde po dvije osnove u toku jedne kalendarske godine ne isključuju jedna drugu.“*

Citirana odredba Kolektivnog ugovora je utvrdila da radnik ima pravo na naknadu za svaku dijagnozu teške bolesti ili invalidnosti ili kada je radnik operisan od bolesti koje nisu obuhvaćene odredbom iz člana 76. stav (3) Kolektivnog ugovora, ukoliko je takva operacija izvršena iz zdravstvenih razloga koje su utvrđene u toku jedne kalendarske godine odnosno kada su okolnosti od značaja za utvrđivanje prava na isplatu naknade u skladu sa članom 76. stav (1) Kolektivnog ugovora opisane kao u zahtjevu i dokazane u dostavljenoj dokumentaciji prije utvrđivanja prava.

**Odluka o autentičnom tumačenju člana 76. stav (6) i stav (7) Kolektivnog ugovora je donesena na 38. sjednici Komisije održanoj 05.03.2025. godine jednoglasno konsenzusom.**

#### **ČLANOVI KOMISIJE**

**Abid Fejzić**, predstavnik Poslodavca

---

**Sudin Sivro**, predstavnik Sindikata

---

**Seada Mulaomerović**, predstavnik Poslodavca

---

**Envera Šukman**, predstavnik Sindikata

---

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
**n/r ministrice**

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
**n/r predsjednika**

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 – u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, vezano za zahtjev Javne ustanove Osnovna škola „Meša Selimović“ Sarajevo, akt broj: 04-302/25 od 12.07.2024. godine koji se odnosi na tumačenje člana 76. stav (6) i stav (7) Kolektivnog ugovora u dijelu utvrđivanja prava radnika na dvije jednokratne pomoći u situaciji kada su radniku za dva donja ekstremiteta utvrđene dvije dijagnoze zbog operacija u smislu stava (4) navedenog člana Kolektivnog ugovora u toku jedne kalendarske godine.

U vezi s navedenim, obavještavamo Vas da je Komisija na 38. sjednici održanoj 05.03.2025. godine, donijela autentično tumačenje člana 76. stav (6) i stav (7) Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**